

Mi, učesnici Konferencije „**Obrazovanje na marginama Reformske agende**“,

- Smatrajući obrazovanje suštinski važnim segmentom i generatorom razvoja društva,
- Razumijevajući postojeću potrebu za sistemskim promjenama obrazovanja i razvijanjem smislenih, strateških i razvojno usmjerenih obrazovnih politika
- Podržavajući ideju cjeloživotnog učenja i razvoja odgoja i obrazovanja na svim njegovim nivoima (predškolsko, osnovno, srednje, visoko i obrazovanje odraslih) i u svim njegovim formama (formalno, neformalno i samousmjerenom), koje će biti u funkciji razvoja individue i razvoja društvene zajednice u cjelini u BiH,

Donosimo

### DEKLARACIJU

- Budući smo saglasni da BiH nema smislenu i sistematiziranu obrazovnu politiku, insistiramo na koordinaciji i sinhronizaciji svih sudionika obrazovnih procesa i donošenju jedinstvene, usaglašene i strateške obrazovne politike
- Buduća zakonska rješenja moraju biti suštinski reformski zahvati, a ne birokratiziranje i prenormiranje kakvo preferiraju trenutne političke elite. Interes društva mora biti kvalitetno i depolitizirano obrazovanje.
- Neophodno je razvijati nastavne planove, te studijske smjerove i programe u skladu sa društvenim potrebama, kao i u duhu ideje slobode i kritičke misli, te razvijati kompetencije nastavnika i njihove veće društvene odgovornosti.
- Insistiramo na podršci i razvoju kvalitetne nastave (koja nije reproduktivna) i na tome da učimo učenike/studente, kako da ono što nauče znaju i primijeniti.
- Autonomija univerziteta mora biti praćena javnom kontrolom kvaliteta rada. Istovremeno, potrebna nam je javna debata o modelima finansiranja visokog obrazovanja.
- Neophodna je standardizacija kvaliteta na svim nivoima obrazovanja, te uspostava i razvoj interne i eksterne kontrole kvaliteta.
- Insistiramo na većoj podršci države naučnoj i istraživačkoj djelatnosti, kao i mobilnosti nastavnika i učenika/studenata.
- Nužno je promovirati znanja i kompetencije kao vrijednosti, kako bismo motivirali mlade da obrazovanje shvate kao svoj razvojni put, ali i kao put ka društvu znanja.

Pozivamo nadležna ministarstva, obrazovne institucije, nevladin sektor i biznis sektor na intenzivniji, strateški i konstruktivan dijalog o tome kakvo nam obrazovanje treba u budućnosti i za budućnost.

Sarajevo, 28.1.2017.